

საქართველოს რესპუბლიკის უზენაესი საბჭოს თავმჯდომარის ბატონ ზვიად გამსახურდიას პრესკონფერენცია ქართველი და უცხოელი ჟურნალისტებისათვის 1991 წლის 10 აპრილს*

ეს ბატონ ზვიად გამსახურდიას პირველი პრესკონფერენცია იყო მას შემდეგ, რაც უზენაესმა საბჭომ მიიღო აქტი საქართველოს სახელმწიფოებრივი დამოუკიდებლობის აღდგენის შესახებ. გთავაზობთ საუბრის ძირითად მომენტებს.

– როგორ შეხვდა კრემლი საქართველოს პარლამენტის გადამწყვეტილებას რესპუბლიკის სახელმწიფოებრივი დამოუკიდებლობის აღდგენის თაობაზე?

– ჯერჯერობით დეზინფორმაციის ნიაღვარმა იმატა და მეტი არაფერი. ავრცელებენ ხმებს, თითქოს მე აჭარის ავტონომიის გაუქმება გამომეცხადებინოს; და ეს იმ დროს, როცა სრულიად მკაფიოდ და საქვეყნოდ ითქვა და დაიბეჭდა კიდეც, რომ აჭარის ავტონომიის ბედი იქაურთა რეჟე-რენდუმმა უნდა გადანწყვიტოს.

– რესპუბლიკის სტატუსის შეცვლამ, როგორც ჩანს, ცენტრთან ურთიერთობის ფორმაც უნდა შეცვალოს. განსაკუთრებით, თუ გავითვალისწინებთ ამბებს, რომლებიც ამ ბოლო ხანს სამაჩაბლოში...

– გუშინ იქ ყოვლად აღმაშფოთებელი ამბები მოხდა. სოფელ ოქონაში საბჭოთა ჯარები თავს დაესხნენ ქართველ მილიციელებს. განაიარაღეს და დააპატიმრეს ოცზე მეტი კაცი, რომლებიც ჯერაც არ გაუთავისუფლებიათ. ქართული მილიცია განაიარაღეს თამარაშენშიც. ჯარები ერედვშიც შეცვივდნენ, მაგრამ იქ მილიცია არ აღმოჩნდა. სამაგიეროდ, პროკურორის ოთახი დაარბიეს. წაიღეს იმ ოსი ბანდიტების საგამოძიებო ნივთმტკიცებანი, რომლებმაც ხალხი დაწვეს. იყო ისეთი ფაქტებიც, როცა არმია ცეცხლს უშენდა მშვიდობიან მოსახლეობას. იგი ნამდვილი აგრესორივით იქცევა და უხეშად არღვევს ჩვენს სუვერენიტეტს. რა თქმა უნდა, პროტესტს გავუგზავნით.

– როგორია თქვენი პოლიტიკური პროგნოზი უახლეს მომავალში?

– ახალ პროვოკაციებს უნდა ველოდოთ. მით უმეტეს, რომ შიდა ქართლის ამბებზე ინფორმაციასთან ერთად მოსკოვიდან სხვა

* ამ ინტერვიუში ბატონი პრეზიდენტი უტყუარად წინასწარმეტყველებს იმ მოვლენებს, რომლებიც შემდგომში, რამდენიმე თვის შემდეგ, კრემლმა უტიფრად განავითარა საქართველოში ადგილობრივი კრიმინალიტეტისა და ავანტურის საშუალებით. *პ.ბ.*

ახალი ამბებიც მოდის. მაგალითად, სსრკ შინაგან საქმეთა მინისტრმა პუგომ გამოგივგზავნა დეპეშა, რომელშიც ნათქვამია, თითქოს „უკანონო“ იყოს ჩვენი შინაგანი ჯარების – ეროვნული გვარდიის შექმნა; იგი იმონებს სსრკ პრეზიდენტის ბრძანებულებას უკანონო სამხედრო ფორმირებათა დაშლის შესახებ. ერთი სიტყვით დიდმასშტაბიან პროვოკაციებს უნდა ველოდოთ. არც პირდაპირი ინტერვენციაა გამორიცხული.

– ცენტრის რეაქცია, რომ ნეგატიური იქნებოდა, ამას ლაპარაკი არ უნდა. რა შეგვიძლია ამას დავუპირისპიროთ, რა რეზერვები გვაქვს?

– ნებისმიერ ოკუპირებულ ქვეყანას, მით უმეტეს, სსრ კავშირში შემავალს, ერთადერთი რეზერვი აქვს – ცენტრის პოლიტიკას მძლავრი საპროტესტო მოძრაობა უნდა დავუპირისპიროთ, საყოველთაო ეროვნული დაუმორჩილებლობა. დასავლეთ საქართველოში რკინიგზაზე, საზღვაო პორტებში, საკავშირო დაქვემდებარების საწარმოებში უნდა დაიწყოს გაფიცვა, შეიძლება აეროპორტის მუშაობაც შეწყდეს. ჩვენი მოთხოვნები ყველამ იცის – გაიყვანონ ჯარები შიდა ქართლიდან. იმედი ვიქონიოთ, რომ ყოველივე ეს ცენტრს აიძულებს ჩაუფიქრდეს თავის საქციელს.

– როგორ აფასებთ ამერიკის შეერთებული შტატების სახელმწიფო დეპარტამენტის განცხადებას, რომელშიც გამოთქმული იყო სურვილი, რომ საქართველოსა და საბჭოთა კავშირს შორის წამოჭრილი პრობლემები დემოკრატიული გყოთ გადაწყდეს?

– კარგი ამბავია, განსაკუთრებით იმიტომ, რომ ბატონ ჯორჯ ბუშს გაფუგზავნე დეპეშა, რომლითაც ვატყობინებდი, საქართველოში შეიარაღებული ინტერვენცია მზადდება, უხეშად, იარაღით ერევიან ჩვენს საშინაო საქმეებში – მეთქი. ეტყობა, სახელმწიფო დეპარტამენტის განცხადება ამ დეპეშაზე რეაქცია უნდა იყოს. ჩვენი ერთადერთი იმედი დასავლეთია – მხოლოდ დემოკრაციას ძალუძს ჩვენი დაცვა.

– თქვენი აზრით, როდის მიაღწევს საქართველო ფაქტობრივ დამოუკიდებლობას?

– ყველაფერი დამოკიდებულია იმაზე, თუ რამდენად მზად არის კრემლი დაიწყოს მოლაპარაკება და რამდენად მალე იტყვის უარს იმ დიქტატის პოლიტიკაზე, რომელსაც დაჟინებით ადგას. ცხადია, დასავლეთის პოზიციაზეც. რაც უფრო ხშირად დაუთმობენ ყურადღებას საქართველოს, როგორც, მაგალითად, ამერიკის შეერთებული შტატების დეპარტამენტმა ქნა, მით უფრო მეტი გარანტიები იქნება იმისა, რომ მალე მივაღწიოთ სრულ დამოუკიდებლობას და საოკუპაციო ჯარების გაყვანას.

– როგორ ეკიდება, ეგრეთ წოდებული, ოპოზიცია დამოუკიდებლობის აქტს? და კიდევ, როგორ გამოეხმაურება ამას აფხაზეთის ოფიციალური ხელისუფლება?

– ეგრეთ წოდებული ოპოზიციისაგან ჯერჯერობით არავითარი ნოტა არ მიგვიღია. რაც შეეხება აფხაზეთს, თავად არძინბა სოხუმში არ ბრძანდება. აი, მისმა მოადგილემ – ქართველმა კი მომილოცა. საერთოდ, საქართველოს დამოუკიდებლობის აღდგენაზე რეაქცია დადებითია აფხაზეთა შორისაც. მით უმეტეს, რომ დარწმუნდნენ – ავტონომიის შენარჩუნების კონსტიტუციურ გარანტიებში.

გაზ. საქართველოს რესპუბლიკა, N 72(92)
შაბათი. 13 აპრილი. 1991 წ.